

Cui respondit mater Sancti Thomæ: Non sum digna parere talem filium, tamen faciat Deus sicut placet suæ voluntati. sicut autem iste Sæctus eremita prædixit, sic postea accidit; quia domina Theodora tempore suo peperit filium, & postea in Baptismo mater, & pater fecerunt ipsam Thomam vocari, vt Spiritus sanctus ordinauerat: & istud nomen bene sibi congruum fuit, quia Thomas interpretatur abyssus scientiæ.

*In secunda parte Historia dicitur de eius infantia.*

**C**Um autem puer nobilis est natus, & baptizatus, nutrice traditur, quæ nutritrix in eodem palatio cum matre morabatur. Accidit, quod mater Sancti Thomæ voluit cum alijs dominabus Neapoli ad Balnea ire; cum autem iuisset, & secum duxisset nutricem cum prædicto puero, nutritrix posuit ipsum ad sedendum in loco Balnei; cum sic sederet, ecce Dei procuratore, iuxta se inuenit cartulam paruulam, quam infans accipiens tenuit eam strictam in manu; nutritrix eius volens eum exuere, vt ipsum balnearer, cepit manum eius, volens auferre cartulam de manu sua, atque manum eius aperire, vt ipsum posset expoliare: puer fortiter tenens eam clausam, cepit euolare, cui nutritrix compatiens, sic cum manu clausa ipsum expolauit, balneauit, induit, & ad domum cum matre portauit, sic manum clausam tenentem: cogitans hoc in sine misterio, & magna causa accidisse: Mater verò eius manum clausam aperuit, & licet piangeret, accepit cartulam, & inuenit in ea Salutationem Mariæ Virginis scriptam: ipsa autem cartula sibi à Deo missa, quæ continebat principium nostræ saluationis, quæ in manu dextera tenebat; figurabat quomodo illa manu scribere debebat gloriose multa ad nostram saluationem pertinentia: & ex tunc puer in consuetudine habuit, quod cum fletet ex aliqua causa, à fletu non cessabat, donec aliqua cartula scripta sibi daretur, quam accipiens, statim in ore ponebat, & totus lætus fiebat. Et istud figurabat quomodo sacram scripturam debèbat diligere, & quomodo de ipsa animam suam debebat replere, & quomodo in sacra scriptura magnam dulcedinem debebat sentire. Vnde sicut Angelus dedit librum Ezechieli, vt co-

mèderet; & dedit beato Ioanni, vt detioraret, sic L<sup>us</sup> dedit Sancto Thomæ, vt intelligeret.

*In tertia parte, de eius pueritia.*

**C**Um puer Thomas iam quinque annos in ætate haberet, pater, & mater miserunt ipsum cum nutrice, & bona societate ad Monasterium montis Cassini, vt ibi in moribus instrueretur, & in sacris literis erudiretur. Nam in partibus illis talis consuetudo erat, vt filij nobilium mitterentur ad illud Monasterium, vt in moribus, & in sacris literis erudiretur: cum autem Beato Thomæ datus esset Magister, qui ipsum in moribus, & in literis instrueret, ipse puer Thomas in tali pueritia tria commendabilia fecit. Primum quia sic puer cepit sollicitè querere à Magistro, quid esset Deus, & cepit ostendere, quomodo desiderabat cognoscere Deum; & istud erat iudicium, quomodo postmodum debebat Deum cognoscere, & diligere, & de ipso multa docere. Secundum quod fecit existens puer fuit, quia societatem aliorum puerorum nobilium, qui ibi nutriebantur, sic ipse fugiebat, & lectionem sibi datam à Magistro sollicitè studebat, & addiscebat, & pluries in die, sic puer existens deuotè in die, & in nocte orabat: non enim erat loquax sicut alij pueri, sed mirabiliter taciturnus, & quietus. Tertium quod fecit existens puer fuit, quia cum iam esset octo, vel nouem annorum, vel circa hoc, & haberet nobilissimum ingenium super omnes alios pueros, & daret se studio continè; Abbas Monasterij consuluit patri suo, scilicet domino Landulpho, quod mitteret eum Neapolim, vt ibi scientias addiceret: pater autem Beati Thomæ audiens quomodo filius ad scientiam dispositus erat, misit ipsum Neapolim ad magistrum Martinum, qui pueros in Grammatica docebat: cū autem instructus esset in Grammaticalibus, postea in Logicalibus; & in Naturalibus magistrum Petrum de Ybernia habuit in cuius scola sic notabiliter didicit, & ibi ingenium suum nobilissimum manifestauit, quod omnes in admiratione ducebat. Nā lectiones quas à magistro audierat, profundius, & clariùs dicebat, quam dixisset magister. Et sic fama eius per oēs scolas, & per Neapolim volauit.

*Quarta*

*Præfatio  
maxima  
deuotio  
nis S. Tho  
ma erga  
B. Virginis  
Mariam.*

*Ingeni  
saliter  
mā S.  
ma d  
rilla*